

本
草
原
始

海馬

海牛

龜甲

龜甲肉

鱗

牡蠣

真珠

石決明

蛤蜊

瓦礫子

貝子

海燕海鷗車

文蛤海蛤海石海粉

人部卷之十二

髮亂髮

爪甲

牙齒

乳汁

耳塞

口津唾

頭垢

人尿人中黃

人尿人中白

人精

鬚鬚

天靈蓋

婦人月水

人胞

陰毛

本草原始

本草原始卷之十一

雍丘正字李中立纂輯並書畫

蟲魚部 卵生類

白蠶

時珍曰。蠶孕絲蟲也。有大小白烏斑色之異。其蟲屬陰。

喜燥惡濕。食而不飲。三眠三起。二十七日而老。自卵出而爲蚘。自蚘蛻而爲蠶。蠶而繭。繭而蛹。蛹而蠶。蠶而卵。卵而復蚘。亦有胎生者。與母同老。蓋神蟲也。南粵有三眠四眠兩生七出八出者。其繭有黃白二色。蠶從替象。其頭身之形。從虫。以其繁也。俗

作蚕字者非矣。蚕音腴。蚯蚓之名也。蠶病風死其色白。故曰

白蠶。蠶死而不朽曰蠶。升養者曰原蠶。蠶之屎曰沙。皮曰蛻。蠶

白繭。蛹曰蠃。蠶曰羅。卵曰蛻。蠶初出曰妙。蠶紙曰連也。

白蠶蠶氣味鹹辛平無毒

主治小兒驚癇夜啼去三蟲滅黑黯令人面色好男子陰痿

○女人崩中赤白產後腹痛滅諸瘡癩痕為末封下腫拔根

極效○治口禁發汗同白魚鷹屎白等分治瘡滅痕○以上

枚為末酒服治中風失音并一切風疰小兒客忤男子陰痿

痛女子帶下○焙研薑汁調灌治中風喉痺欲絕下俟立愈

○散風痰結核瘰癧頭風風蟲齒痛皮膚風癬丹毒作瘰癧

瘰癧結婦人乳汁不通崩中下血小兒疳蝕鱗體一切金瘡

蠶 本經中品

蠶屈伸形



直蠶形



曲蠶形



修治頌曰所在養蠶處有之不拘早晚但用白色而條直良桑
 葉者佳用時去絲綿及子炒過
 甄權曰微温有小毒惡桑螵蛸枯梗茯苓神草薺
 聖惠方治撮口噤風面黃赤氣喘啼聲不出由胎氣挾熱流毒
 心脾故令舌強唇青聚口發噤用直蠶二枚去管畧炒為
 末蜜調傅唇上甚效

蠶蛹

苗



正



刺犬咬忌食

蠶蛹主治炒食治風及勞瘵研傅腐瘡慈惠○為末飲服治小

兒疰瘦長肌退熱除蚊蟲煎汁飲止瀉渴

出藝蘭形



有黃色白色者

蠶繭氣味辛溫無毒主治燒灰酒服治癰腫無頭次日即破又
 療諸瘡及下血血淋血崩瘻瘻汁飲止消渴及胃脘蚊蟲
 繭中蛹汁主治百蟲入肉蟹蝕瘻瘻及牛馬蟲瘻為湯浴小兒
 瘡疥殺蟲以竹筒盛之浸山柝山蛭入肉蚊蟲諸毒亦
 可預帶一筒取一蛭入中并持乾海苔一片亦辟諸毒亦
 昔人旅店有客消渴夜求水不得取盆中湯飲之而愈次早視
 之乃綠絲湯也丹溪方本此

原蠶俗呼晚蠶



雄腹小雌腹大



雌雄相辨之形

雄原蠶蛾氣味鹹○有小毒主治益精氣強陰道交精不倦亦

止精○壯陽事止泄精尿血暖水臟治暴風金瘡凍瘡湯火

瘡滅癩痕○入藥炒去翅足用

鄭玄註周禮云原耳也謂耳養者宗夔曰原者有原復敏遠

之義此是第二當蠶也時珍曰蠶蛾性淫出繭即媾至於枯

稿乃已故強陰益精用之

發銳氣味甘平無毒主治血病益婦人○婦人血風○治目中

翳障及痔瘡

蠶連生治吐血鼻洪腸風瀉血崩中帶下赤白痢傳疔腫瘡○

治婦人血露

原蠶沙俗呼晚蠶沙晒乾淘淨再晒可久收不壞氣味甘辛溫

無毒主治腸鳴熱中消渴風痺癰癧○炒黃袋盛浸酒去風

緩諸節不隨皮膚頑痺腰內宿冷冷血瘀血腰脚冷疼炒熱

袋盛熨偏風筋骨癱緩手足不隨腰脚軟皮膚頑痺○消渴

癥結婦人血崩頭風赤眼去風除濕

宗夔蠶屎飼牛可以代穀

螳螂

在處有之。乃螳螂卵也。一名螳螂。兩臂如斧。當輒

不避。故得當郎之名。俗呼爲刀螂。兗人謂之拒斧。逢樹使產。以桑上者爲好。其子房名螳蛸者。因其狀輕飄如綃也。酉陽雜俎謂之野狐鼻涕。象形也。

螳螂。驤首奮臂。修頸大腹。二手四足。善緣而捷。以鬚代鼻。喜食人髮。能翳葉捕蟬。深秋乳子。作房粘着枝上。即螳蛸也。房長寸許。大如拇。指其內重重有隔。房每房有子如蛆。卵至芒種節後一齊出。故月令云仲夏螳螂生。

螳螂主治小兒急驚風。搗搗生者能食疣目。○箭鏃入肉不可拔者。用螳螂一個。巴豆半個。同研。傅傷處。微痒且忍。極痒乃搗。拔之以黃連貫仲湯洗拭。石灰傅之。桑螵蛸氣味鹹。其平無毒。主治傷中疝瘕。陰痿益精。生子女子。

血閉腰痛通五淋利小便水道○療男子虛損五臟氣微瘳
寐失精遺溺久服益氣養神○炮熟空心食之止小便利

修治別錄曰桑

螻

螻

上螻娘子也
二月三月采
蒸過火炙用
不爾令人洩

之才曰
桑螻得龍
骨療洩精畏
旋覆花

經驗方治耳底疼痛有膿先繳淨
用桑枝上螻一箇燒存性同
麝香半字研末摻入神效



蜂

生山石間。有經一二年者。氣味醇厚。人家作窠。搗養者。一

歲。二取。氣味不足。且久。收易酸也。凡用以山石者。為勝。故本經

稱石蜜。又呼巖蜜。時珍曰。蜂尾垂鋒。故謂之蜂。蜜以密成。故謂

之蜜。**蜂**乃蜜脾底也。取蜜後。煉過。濾入水中。候凝取之。色黃

者。為黃蠟。煎煉極淨。色白者。為白蠟。非新則白。而久則黃也。弘

景曰。生於蜜中。故曰蜜蠟。蠟獵也。蜂獵百花釀蜜。故查為蠟也。

蜂

以川滇衡永產者。為勝。蠟樹枝葉狀類冬青。其蟲大如

虬虱。芒種後。則延緣樹枝。食汁吐涎。粘於嫩莖。化為白脂。至秋

刮取以水煮溶。濾置冷水中。凝聚成塊。碎之。文理如白石膏而
鑿。激自元以來。人始知澆燭入藥。俗通呼白蠟。

蜜蠟氣味甘微溫無毒。主治下痢膿血。補中續絕。傷金瘡。益氣
不飢耐老。

白蠟療人洩瀉後重。見白膿。補絕傷。利小兒。久服。輕身不飢。○
孕婦胎動。下血不絕。欲死。以雞子大煎五五沸。投美酒半升。
服立瘥。又主白髮。鱗去消蠟。點孔中。即生黑者。

之才曰惡。芫花。齊蛤。係白色。蜜蠟。
蟲白蠟氣味甘溫無毒。主治生肌止血。定痛補虛。續筋接骨。

入丸散服。殺瘵蟲。
其蟲嫩時白色。作蠟。及老則赤黑色。乃結苞於樹枝。初若黍
米。大入春漸長。大如雞頭。子紫赤色。繫三抱枝。宛若樹之結
實也。俗呼蠟種。亦曰蠟子。子內白卵如細蚬。一包數百。次年
立夏。口摘。下以箬葉包之。繫蠟樹上。芒種後苞拆。卵化虫。乃

本草綱目卷之四十一 蠟 一

延出葉底，復上樹作蠟也。

蟲白蠟，爲外科要藥，同合歡皮入長肌肉膏中，用之神效。

露蜂房

宗奭曰：有二種。一種蜂小而色淡黃，窠長六七寸，如蜜

脾下垂一邊，多在叢木深林之中，謂之牛舌蜂。一種多在高木之上，或屋之下，外面圍如三四斗許，或一二斗，中有窠如瓠狀。由此得名玄瓠蜂，其色赤黃，大於諸蜂。今人皆兼用之，謂之露蜂房，係懸樹上得風露者。

露蜂房氣味苦平，有毒。主治驚癇、癩癧、癢寒、熱和氣、癩疾、鬼精、蟲毒、勝疔、火熬之良。○療蜂毒、腫合、亂髮、蛇皮、燒灰以酒日服二方寸匕，治惡疽、附骨、癰根、在臟、臍、歷、節、腫、出、丁、腫、惡、疔、諸毒、皆瘥。○療上氣、赤白痢、遺尿、失禁、燒灰酒服，主陰痿、水

芫洗。狐尿刺瘡。服汁下乳石毒。煎水洗熱病後毒氣。銜日
灸研和猪脂塗。瘰癧成癭。煎水漱口止風。蟲疾痛。又洗
乳癰。蜂疔惡瘡。

如蜂房

如蜜脾下垂蜂房

露蜂
房
本經
中品



修治露蜂房十一二月采之入藥并多用之才曰惡乾薑丹

參黃芩芍藥牡蠣

子母秘錄治脾風濕腫久不瘥者露蜂房燒灰研末傅之效

所在有大頭露目短頸長腰六足四翼雄綠色雌腰間

碧色一遭食蚊蚋飲露水好飛水際時珍曰一名蜻蛉言其色

本草原始

虫部


十一卷之六

青葱也。名蜻蛉。又名蜻蛉。言其狀伶仃也。其尾好亭而挺。故名蜻蛉。蜻蜓。其翅如紗。故俗呼紗羊。汴人呼爲馬大頭。

別錄下品

俗呼老蠓

蜻蛉
氣味
微寒
無毒
主治
強陰
止精
壯陽
水臟
房術
多用



修治入藥去翼足炒用良○小而赤者房中術亦用之

檮雞 生河內川谷檮樹上其鳴以時故名檮雞頭方而扁尖喙

向下六足重翼龍而振羽索索作聲其羽文綵故俗呼紅娘子

檮雞氣味苦平有小毒不可近目主治心腹邪氣陰痿益精強

志生子好色補中輕身○腰痛下氣強陰多精○通血閉行

痰血○主療癰散目中結翳辟邪氣療制大傷

本經中品



頭斑

眼黃 翅黑 腹紅

修治紅娘子去翅足以糯米或麩

炒黃色去米麩用 七月采



紅娘子

蓋厥陰

經能

行血活

血也

甲蟲 生河內山谷今所在有之甲蟲也七八月在大豆葉上長

五六分黃黑斑文鳥腹尖喙就葉上採取陰乾時珍曰斑言其色發言其毒如矛也俗訛為斑猫

斑蝥氣味辛寒有毒主治寒熱鬼疰蠱毒鼠瘻瘡疽蝕死肌破石瘰○血積傷肌治疥癬墮胎○治厚癭速利水道○療淋疾傳惡瘡癩爛○治疝癩解疔毒蝕大毒沙蟲毒乾粉毒

本經下品



入炮藥多用

修治大明曰斑蝥入藥須去翅足糯米炒熟不可生用即吐瀉
人妊身人不可服為能潰人肉
斑蝥馬刀為之使畏巴豆丹參空青惡膚青甘草豆花
中其毒者齧汁黃連黑豆蔥茶皆能解之

廣利方治妊婦胎死腹中斑蝥一枚燒灰研末水服即下
斑蝥使

地膽

生汶山山谷是堯青所化故一名玩青狀類斑蝥黑頭赤

尾二三月八九月取之因居地中其色如膽故各地膽

地膽氣味辛寒有毒主治鬼疰寒熱鼠瘻惡瘡死肌破癥瘕腫
胎○蝕瘡中惡肉鼻中瘰肉散結氣石淋去子服一刀圭即
下○宣拔瘰癧根從小便中出上亦吐出又治鼻衄○治疔
積痰痛餘功同斑蝥

本經下品



地膽狀如斑蝥

修治地膽以糯米同炒黃色去米用○惡甘草○在地中或蟻
石內○蓋堯青青綠色斑蝥黃斑色亭長黑身赤頭地膽黑

頭赤尾色雖不同功亦相近

蜘蛛

弘景曰蜘蛛數十種入藥惟用懸網如魚罾者亦名蜘蛛

赤斑者名絡新婦亦入方術家用按王安石字說云設一面之


網物觸而後誅之知于誅義者故曰蜘蛛

蜘蛛氣味微寒有小毒主治大人小兒癩及小兒大腹丁奚三
年不能行者○蜈蚣蜂蟹螫人取置咬處吸其毒○主蛇毒
溫瘡止嘔逆霍亂○取汁塗蛇傷燒咳治小兒腹痔○主口
噤脫肛瘡腫胡臭齒齲○斑者治瘡疾疔腫

蜘蛛
別錄
下品



入方術
家用花
蜘蛛形



入藥腹
大色灰
蜘蛛形

修治蜘蛛去頭足研膏用

大明曰畏蔓菁雄黃○時珍曰蛛入飲食不可食

劉義慶述明錄云張甲與司徒蔡謨有親謨晝寢夢甲曰忽暴

病心腹痛脹滿不得吐下名乾霍亂惟用蜘蛛生斷脚吞之

則愈但人不知某甲時死矣謀覺使人驗之甲果死矣後用

此治乾霍亂輒驗也此說與前唐註治嘔逆霍亂之文正合

壁錢其蟲似蛛作白幕如錢貼墻壁間

壁錢氣味無毒主治鼻衄及金瘡出血不止捺取蟲汁注鼻中

及點瘡上亦療五野雞病下血○治六人小兒急疳牙蝕腐

臭以壁蟲同人中白等分燒研貼之又主喉痺

出青州者良今京東西及河陝州郡皆有之采無時葛洪曰

蠋前為螫後為蠶古語云蜂蠶垂芒其毒在尾今入藥有全用

者謂之全蠍有用尾者謂之蠍稍許慎云蠍蠶尾蟲也

蠍氣味甘辛平有毒。主治諸風癱瘓及中風半身不遂口眼喎斜語澀手足抽掣。○小兒驚癇風搐大人瘧瘡耳聾疝氣諸風瘡。女人帶下陰脫。

宋開寶



上雄蠍 下雌蠍

修治蠍去足并土倍用。收蠍以鹽水煮二三沸。晾乾不壞。陶隱居集驗方言蠍雄者螫人痛止在一處。用井泥傅之。雌者螫人痛牽諸處。用瓦溝下泥傅之。皆可。畫地作十字。取土水服方寸匕。或在手足以冷水漬之。微煖即易。在身以冷水浸布搨之。皆驗。又有呪禁法。亦驗。翰林禁科具矣。


杜壬方治腎虛耳聾。十年者二服可愈。小蠍四十九个。生薑如蠍大。四十九片。同炒薑乾為度。研末。溫酒服之。至一二更時。更進一服。至醉不妨。次日耳中如笙簧聲。即效。

水蛭

生雷澤池澤。今處處池澤有之。食血之蟲也。蛭有數種。以水中小者爲良。兩頭尖腰粗色微赤。性最難死。雖以火炙經年尤活也。腹黃者。俗呼馬蟻。形大者。俗呼馬鼈。

水蛭氣味鹹苦平有毒。主治逐惡血瘀血。月閉破血癥積。聚無子利水道。○墮胎。○治女子月閉欲成血勞。○嘔赤白遊癩。及癰腫毒腫。○治折傷墜撲。畜血有功。

水蛭本經下品



一名蜚

修治保昇曰。以篋竹筒盛。待乾用米泔浸一夜。暴乾。以冬猪脂煎。令焦黃。然後用之。
水蛭畏石灰食鹽

昔有途行飲水反食水菜誤吞水蛭入腹生子爲宮取啞臍血腸痛黃瘦者惟以田泥及搗黃土水飲數升則蛭盡下出也蓋蛭在人腹忽得土氣而下耳或以牛羊熱血飲一二升同猪脂亦下也

蠟

生河內平澤及人家積糞草中取無時及行者良時珍曰

蠟方方言作蠟。象其蠹物之聲。或謂齊人曹氏之子所化。蓋謬說也。本經名蠟。蠟別錄名肥蠟。言其狀肥也。弘景名乳蠟。言其通乳也。郭璞名地蠟。言其形似也。

蠟氣味鹹微溫有毒。主治惡血血瘀痺氣。破折血。在脇下堅滿。痛月閉。目中淫。膚青。翳白膜。○療吐血。在胸腹不去。及破骨。痿折。血結。金瘡。內塞。產後中寒。下乳。○汁主赤白遊。癰。擦破。汁滴目中。去翳障。止血。○傳惡瘡。○汁主赤白遊。癰。擦破。

塗之○取汁點喉痺得下即開○主唇緊口瘡丹痧破傷風瘡竹木入肉芒物眯目

蠟本經中品



時珍曰狀如蠶而大身短節促足長有毛生樹根下及糞土中者外黃內黑生舊茅屋上者外白內黯皆濕熱之氣熏蒸而化宋齊立所謂燥濕相育不母而生是已久則羽化而去

頌曰今醫家與薄婦下乳藥用糞土中者其效殊速
修治蠟曰凡收得後陰乾與糯米同炒至米焦黑取出米及
身上口畔肉毛并黑糜了作三四截研粉用之時珍曰諸方
有乾研及生取汁者又不拘此例也
之才曰蠟為之使惡附子
晉盛彥之母失明食必自哺母既病久婢僕數見捶撻心懷忿
焉伺彥他往取蠟蠟灸而嗣之母食以為美藏以示彥彥見

本草原始

蟲部

十一卷十一

之抱母痛哭。母日語然而開。若有神者。蓋蟬能攻惡血。若日中血障者。用之自然神良。

蟬

在處有之。皆自蟻螻腹蜻變而為蟬。亦有蜣螂轉丸化成。

者。夜出升高處。折背殼而出。方首廣額。兩翼六足。色黑而光。以脇而鳴。吸風飲露。溺而不糞。多在楊柳上。五月採蒸乾之。勿令蠹。王充論衡云。蟬者變化相禪也。玉篇云。蚱者。蟬聲也。

蚱蟬氣味鹹。其寒無毒。主治小兒驚癇。夜啼癇病。寒熱。○驚悸婦人乳難。胞衣不出。能墮胎。○小兒癇絕不能言。○小兒驚

哭不止。殺疳蟲。去壯熱。治腸中幽。作聲。

蟬蛻俗呼蟬退。氣味鹹。其寒無毒。主治小兒驚癇。婦人生子不下。燒灰水服。治啞病。○除目昏障翳。以水煎汁服。治小兒瘡疹。出

華水服。治啞病。○除目昏障翳。以水煎汁服。治小兒瘡疹。出

不快甚良○治頭風眩暈皮膚風熱痘疹作癢破傷風及丁腫毒瘡大人失瘖小兒禁風天弔驚哭啼陰腫

本經中品



修治蚱蟬去翅足炙用○修治蟬蛻用沸湯洗去泥土翅足漿

水炙過晒乾用

普濟蟬花散治小兒夜啼不止狀若鬼崇用蟬退下半截為末

一字薄荷湯入酒少許調下或者不信將上半截為末用煎湯調下即復啼也古人立方莫知其妙

蚱蟬使

生長沙池澤。今處處有之。有大小二種。大者身黑而光腹

翼下有小黄子。附母而飛。晝伏夜出。宜入藥用。小者身黑而暗。晝飛夜伏。不堪入藥。莊子云。蝘蝓之智。在於轉丸。喜入糞土中。取屎丸而推却之。故弘景名推丸。綱目名推車客。其蟲深目高鼻。狀如羗胡。故有蝘蝓之稱。背負黑甲。狀如武士。故有鐵甲將軍之譽。

蝘蝓氣味鹹寒有毒。主治小兒驚癇。瘕瘕。腹脹。寒熱。大人癩疾。狂陽。○手足端寒。肢滿。賁豚。膈九塞。下部引痔。蟲出。晝未瘥。○治小兒疳蝕。○能墮胎。治疰忤和乾薑。傳惡瘡。出箭頭。○燒末和醋。傳蜂漏。○去大腸風熱。○治大小便不通。下痢赤白。脫肛。一切痔瘻。丁腫。附骨。疰瘡。癰瘍。風灸瘡。出血不止。鼻中息肉。小兒重舌。

螭螂本經下品



俗呼屎螭螂

修治螭螂別錄曰五月五日采取蒸藏之罽用去足火炙勿置

水中令人吐

之才曰畏羊角羊肉石膏○時珍曰手足陽明足厥陰之藥
頌曰箭頭入骨不可移者楊氏家藏方用巴豆微炒同螭螂搗
塗斯須痛定必微痒忍之待極痒不可忍乃撼動拔之立出
此方傳於夏侯鄆鄆初爲閬州有人額有箭痕問之云從馬
侍中征田悅中箭侍中與此藥立出後以生肌膏傅之乃愈
因以方付鄆云凡諸瘡皆可療也鄆至洪州逆旅主人妻患
瘡呻吟用此立愈

蟪蛄

即蟋蟀也。應陰之蟲。生東城平澤。今處處有之。穴地糞壤

中而生。夜則出外求食。短翅六足。雄者善鳴而飛。雌者腹六羽。小不能飛翔。吸風食土。喜就燈光。入藥用雄。月令螻蝈鳴者是矣。周禮註云。螻臭也。此蟲氣臭。故得螻名。蛄姑也。稱蟲之名。俗呼土狗象形也。

蟪蛄氣味鹹寒。無毒。主治產難出。肉中刺潰。癰腫下疳。噎解毒。除惡瘡。○水腫頭面腫。○利大小便。通石淋。治療癰骨哽。○治口瘡甚效。

弘景曰。自腰以前甚澁。能止大小便。自腰以後能利。能下大便。便若出。核刺多用其腦。震亨曰。治水甚效。但其性急。虛人戒之。

螻蛄

本經下品

修治

去翅足炒

用



或云火

燒地赤

置螻於

上任其

跳死覆

者雄仰

者雌也

聖惠方治小便不通者用螻蛄下半截研水服半錢須臾即通

廣生 河東川澤及沙中人家牆壁下土中濕處皆有橫紋

起其形扁扁如鼈故別錄名土鼈本經名地鼈宗奭曰今人呼

為鼈箕蟲亦象形也陸農師云慶逢申日則過街故一名過街

袖珍方名蚶蚱蟲鮑氏方名地蟬蟲

度蟲氣味鹹寒有毒。主治心腹寒熱，洗血積，癥瘕，破堅，下血。閉生子，大良。○月水不通，破留血，積聚。○通乳汁，用一枚，搗水半合，服之，勿令知之。○行產後，血積，折傷，瘀血，治重舌，木舌，口瘡，小兒腹痛，夜啼。

廣蟲木經中品



俗呼土蠶


之才曰：畏皂莢、菖蒲、羶。遊楊洪摘要方治折傷接骨，用土蠶焙存性，爲末，每服二三錢，神效。

又方：土蠶六錢，隔紙沙鍋內焙乾，自然銅二兩，火煨醋淬七次，爲末，每服二錢，溫酒調下，接骨神效。

生江湖池澤，今處處有之，多在人家下濕處，形大背，上多

疥。磊。行。極。遲。緩。不。能。跳。躍。亦。不。解。鳴。時。珍。曰。蟾。蜍。說。文。作。詹。諸。
 云。其。聲。詹。諸。其。皮。鼃。鼃。其。行。鼃。鼃。詩。云。得。此。醜。鼃。韓。詩。註。云。戚。
 施。蟾。蜍。也。後。世。名。苦。蟻。其。聲。也。名。蚶。蛟。其。皮。礪。礪。也。俗。呼。癩。賢。
 蟾。

氣。味。辛。涼。微。毒。主。治。陰。蝕。疽。癩。惡。瘡。衛。犬。
 傷。瘡。能。合。玉。石。○。火。燒。灰。傅。瘡。立。驗。治。
 溫。病。發。斑。困。篤。者。去。腸。生。搗。食。一。二。枚。
 即。瘡。○。殺。疥。蟲。治。鼠。漏。惡。瘡。燒。灰。傅。一。
 切。有。蟲。惡。癢。滋。流。瘡。○。治。疥。氣。小。兒。面。
 黃。瘰。氣。破。癥。結。燒。灰。油。調。傅。惡。瘡。○。主。
 小。兒。勞。瘦。疳。疾。最。良。○。治。一。切。疔。瘡。八。
 癩。腫。毒。破。傷。風。瘡。脫。肛。別。錄。下。品。



蟾蜍之形

修治蟾蜍蜀圖經曰五月五日取蟾日乾或烘乾用一法去皮

瓜酒浸一宿又用黃精自然汁浸一宿塗耐炙乾用

未類鈴方云蟾日赤腹無心字者不可用○有大如盤者

陶隱居云五月五日取東行者五枚反縛香密室中閉之明旦

視自解者取烏術用能使人縛亦自解

治小兒疳積腹大黃瘦骨立頭生瘡結如麥穗用立秋後大蝦

蟻去首足腸以清油塗之陰陽瓦炙熟食之積穢自下連服

五六枚一月之後形容改變如不可言

蟾酥

采治宗奭曰眉間白汁謂之蟾酥以油單紙裹眉裂之酥出紙

上陰乾用○時珍曰以手捏眉接取白汁于油紙上及桑葉

上插背陰處一宿即自乾白收用或以蒜及胡椒等揀物納

口中則蟾身白汁出以竹篦刮下麩和成塊乾之其汁不可

入目令人赤腫盲以紫草汁洗點即消

今市賣者皆係圓餅以紫赤色餅之白汁出者為良

蟾酥氣味甘辛溫有毒。主治小兒疳疾、腦痺。○同牛酥或吳茱萸、茵陳汁調摩腰眼、陰囊、治腰腎冷并助陽氣。又療蟲牙。○治齒縫出血及牙疼，以紙紐少許按之立止。○發背疔瘡一切惡腫。

活人心。統治喉痺、乳蛾、用蠟蟻、眉酥和草烏尖末、猪牙皂角末等分九小豆大，每研一丸點患處，神效。

蝦蟇 在陂澤中，背有黑點，身小能跳，接百蟲解作呷呷聲，舉動

極急。按王荊公字說云：俗言蝦蟇懷土，取置遠處，一夕復還其所。雖或退之，常慕而返，故名蝦蟇。或作蝦蟇，蝦言其聲，蟇言其斑也。

氣味辛寒有毒。主治疔氣、破癥、堅血、癰腫、陰瘡，服之不患熱病。○主百疔、鬼魅、金癰、腫及熱結腫。○治熱疔、貼惡瘡、解煩熱。

治犬咬○蝦蟇身小背有黑點能跳蟾蜍身大背多痲癩不能跳

頰曰蝦蟇蟾蜍二物雖同一類而其功用小別亦當分而用之

本品經下品



蝦蟇之形

修治數日凡使蝦蟇先去皮并腸及瓜子陰乾每箇用真牛酥一分塗灸乾若使黑虎即連頭尾皮瓜子陰乾酒浸三日漉

出焙用

張果云有人患脚瘡冬月頓然無事夏月臭爛痛不可言過一道人云爾因行草上惹蛇交遺瀝瘡中有蛇兒冬伏夏出故也以生蝦蟇搗傅之日三即換凡三日一小蛇自瘡中出以鐵鉗取之病遂愈

龜別錄云。生水中。今處處有之。似蝦蟆而背青綠色。尖背細腹。俗謂之青蛙。亦有背作黃路者。謂之金線龜。陶隱居云。大而青脊者。俗名土鴨。其鳴甚壯。即爾雅所謂在水曰鼃者是也。黑色者。南人呼爲蛤子。食之至美。即今所謂之蛤。亦名水雞是也。小形善鳴喚者。名鼃子。即藥中所用鼃是也。宗奭曰。鼃後脚長。故善躍。大其聲則曰鼃。小其聲則曰蛤。月令所謂雀入大水化爲蛤者也。唐韓退之詩。一夜青蛙啼到曉。是此。

氣味甘寒。無毒。主治小兒赤氣肌瘡。臍傷止痛。氣不足。○小兒熱瘡。殺尸疰。病蟲去。勞劣解熱毒。○食之解勞熱。○利水消。


腫燒灰塗月蝕瘡○饑食調痔瘦補虛損尤宜產婦搗汁服

治蝦蟇瘡病

憲別錄下品

一名石雞一
名四雞一名
長肢

嘉謨曰時有
面赤頰腫名
蝦蟇瘡以金
線蘸搗汁水
調空腹頓飲
極效曾活數
人



右
金線龜形

之上二蛙今人多取其腿食之



外臺方治蟲蝕腎
府肛盡腸穿用青
蛙一枚難骨一分
燒灰吹入數用大
左
青龜形

蜈蚣 背光黑綠色。腹黃足赤。性能制蛇。見大蛇便緣上啖其腦。

七八月采。熏乾。因生大吳川谷。入藥宜用公者。故曰蜈蚣。

氣味辛溫有毒。主治鬼疰。蠱毒。噉諸蛇。蝮。魚。毒。殺鬼物。老精溫。瘡。去三蟲。○療心腹寒熱。積聚。墮胎。去惡血。○治癩癬。○小兒驚癇。風搖。瘳風。口噤。丹毒。无瘡。瘰癧。便毒。痔漏。蛇癩。蛇瘡。蛇傷。

蜈蚣形



本經下品

修治蜈蚣身扁而長。黑綠色。頭足赤者良。以火炙去頭足。用或去尾足。以薄荷葉火煨用之。俗呼金頭蜈蚣。

昔有村店婦人因用火筒吹火不知筒中有蜈蚣藏焉用以吹火蜈蚣驚逆竄于喉中不覺下胸臆婦人求救無措手忽有人云可討小豬兒一箇切斷喉取血與婦人頓吃之須臾以生油一口灌婦人遂惡心其蜈蚣滾在血中吐出結與雄黃細研水調服遂愈

蚯蚓

生平土今處處平澤膏壤地中有之白頭是其老者時珍

曰蚓之行也引而後伸其壤如丘故名蚯蚓兩則先出睛則夜鳴故別錄名土龍藥性賦名地龍俗呼蜚蠊又呼曲蟪象其狀也

氣味鹹寒無毒主治蛇瘕去三蟲伏尸鬼疰蠱毒殺長蟲○化烏水療傷寒伏熱狂謬大腹黃疸○温病大熱狂言飲汁皆差炒作屑去就蟲去泥鹽化為水主天行諸熱小兒熱病癩

痲塗丹毒傳漆瘡○蔥化為汁擦耳聾○治中風痲疾喉痺
解射筒毒○炒烏末主蛇傷毒○治脚風○主傷寒瘧疾大
熱狂煩及大人小兒小便不通急慢驚風歷節風痛腎臟風
注頭風溼痛風熱赤眼木舌喉痺鼻瘻耳耳禿瘡癩癰卵腫
脫肛解蜘蛛毒療蝨蛇入耳

本經
下品

白頭蝨形



修治蝨三月末取鹽之日暴或為末或化水或燒灰各隨方
法○權曰有小毒之才曰畏蔥鹽
經方云蝨咬人形如大風眉鬚皆落惟以石灰水浸之良
昔浙江將軍張韶病此每夕蝨鳴於體中有僧教以鹽湯
浸之數遍遂愈
戲術用點燈兩虹相貫可爇
日後用點燈兩虹相貫可爇

蝸牛

生山中及人家墻垣陰處。頭形如蝓。但背負殼。耳色白。

頭有二角。行則頭出。驚則首尾俱縮入殼中。涎盡屋壁。悉成銀迹。弘景曰。山蝸也。形似瓜字。有角如牛。故名。莊子所謂戰於蝸角是矣。爾雅謂之蚶。以其負殼而行。**蝓**。生太山池澤及陰地沙石垣下。似蝸牛無殼。有二角。故許慎說文云。蚶。背負殼者曰蝓。牛無殼者曰蝓。喻俗呼托胎蟲。**田螺**。別錄曰。田螺。生水田中。狀類蝸牛。圓大如桃李。時珍曰。蚌屬也。證類本草載名田中螺。

蝸牛氣味鹹寒有小毒主治賊風喎僻蹠跌大腸脫肛筋急及驚癇○生研汁飲止消渴○治小兒臍風撮口利小便消喉痺止鼻衄通耳聾治諸腫毒痔漏制蜈蚣蝎毒研爛塗之簡易方治小便不通蝸牛去殼搗貼臍下以手摩之加麝香少許更妙

蝸牛氣味鹹寒無毒主治賊風喎僻軟筋及脫肛驚癇攣縮○蜈蚣蝎毒○腫毒焮熱熱瘡腫痛救急方治脚脛爛瘡臭穢不可近蝸牛十箇瓦焙研末油調傅之立效

蝸牛別錄中品
 蛭輸本經中品
 田螺別錄下品



蝸牛似蛭輸背上有殼
 蛭輸似蝸牛背無負殼
 田螺似蝸牛負殼而大

田螺肉氣味甘大寒無毒主治目熱赤痛止渴○煮汁療熱醒酒用真珠黃連末內入良久取汁注目中止痛○煮食利

大小便去腹中結熱目下黃脚氣衝上小腹急硬小便赤澀手足浮腫搗肉傅惡瘡○歷丹石毒○利濕熱治黃疸搗爛貼臍引熱下行止噤口痢下水氣淋閉取水搽痔瘡胡臭燒研治瘰癧癬瘡

田螺壳主治燒研主尸疰心腹痛失精止瀉○爛者燒研水服止反胃去卒心痛

聖惠方治小兒頭瘡田螺壳燒存性清油調搽之
蝸牛蛞蝓田螺三者功用不大相遠

龍別錄云生晉地川谷及太山巖水岸土穴中死龍處弘景曰

今出梁益巴中。數曰。劍州滄州太原者爲上。頌曰。今河東州郡多有之。按羅願爾雅翼云。龍者鱗蟲之長。王符言其形有九似。頭似駝。角似鹿。眼似鬼。耳似牛。項似蛇。腹似蜃。鱗似鯉。爪似鷹。

掌似虎是也。其背有八十一鱗。具九九陽數。其聲如戛銅盤。口旁有鬚髯。領下有明珠。喉下有逆鱗。頭上有博山。又名尺木龍。無尺木不能升天。呵氣成雲。既能變水。又能變火。陸佃埤雅云。龍火得濕則熾。得水則燼。以人火逐之即息。故人之相火似之。龍卵生思抱。雄鳴上風。雌鳴下風。因風而化。釋典云。龍交則變。爲二小蛇。又小說載。龍性粗猛。而愛美玉。空青。喜嗜燕肉。畏鐵。及蘭草。蜈蚣。棟葉。五色絲。故食燕者忌渡水。祈雨者用燕。鎮水患者用鐵。激龍者用蘭草。祭屈原者用棟葉。色絲。裹糗。投江。醫

家用龍骨亦當知其性之愛惡如此。數曰其骨細文廣者是雌，骨粗文狹者是雄。五色具者上，白色黃色者中，黑色者下。按許慎說文龍字篆文象形。生肖論云龍耳虧聰故謂之龍。

龍骨氣味甘平無毒。主治心腹鬼疰，精物老魅，欬逆，洩痢，膿血，女子漏下，癥瘕，聖結，小兒熱氣，驚癇。○心腹煩滿，恚怒，氣伏，在心下，不得喘息，腸癰，內疽，陰蝕，四肢痿，枯，夜臥自驚，汗出，止，汗縮，小便，溺，血，養精神，定魂，魄，安五臟，白龍骨，主，多寐，汗，精，○逐和氣，安心，神，止，夜，夢，鬼，交，虛，而，多，夢，紛，紜，止，冷，痢，下，膿，血，女，子，崩，中，帶，下，○滾，孕，漏，胎，止，腸，風，下，血，鼻，洪，吐，血，止，瀉，痢，渴，疾，健，脾，澀，腸，胃，○益，腎，鎮，驚，止，陰，瘡，收，濕，氣，脫，肛，生，肌，斂，瘡。

龍角氣味甘平無毒。主治驚癇，瘕，癍，身熱，如火，腹中堅，及熱洩，久服，輕身，通神明，延年。

龍齒氣味澁涼無毒

主治殺精物大人

驚癇諸瘕癩疾狂

走心下結氣不能

喘息小兒五驚十

二癇○小兒身熱

不可近大人骨間

寒熱殺蟲毒○鎮

心安魂魄○治煩

龍腦主其形肥軟

龍能斷癩

龍胎主治產後餘疾

龍女經開

修治龍骨煨赤為粉亦有生用者事林廣記云用酒浸一宿焙乾研粉水飛三度用如急用以酒煮煨乾或云凡入藥須水

乾研粉水飛三度用如急用以酒煮煨乾或云凡入藥須水

乾研粉水飛三度用如急用以酒煮煨乾或云凡入藥須水



龍本經獸部

上品

骨具五色者

俗呼五龍龍

骨白色者俗

呼粉龍骨

蚶之著舌者

良

蒼曰其青黃

赤白黑亦應

隨色與臟腑

相合如五芝

五石脂而本

經不論及

酒浸一宿焙

乾研粉水

批過晒乾每斤用黑豆一斗蒸一伏時晒乾用鹿角治同
推曰龍骨有小毒忌魚及鐵器之才曰得人參牛黃良畏石膏
許洪云牛黃惡龍骨而龍骨得牛黃更良有以制伏也其氣
收陽中之陰入手足少陰厥陰經

之才曰龍角畏乾漆蜀椒理石
龍骨君 龍齒君

時珍曰龍骨本經以為死龍陶氏以為蛇骨蘇寇諸說皆兩疑
之竊謂龍神物也似無自死之理然觀孫光憲北夢瑣言云
五代時鎮州闕殺一龍紳豪嘗取其雙角前一物如藍
色文如亂錦人莫之識則龍亦有死者矣左傳云秦龍氏醢
龍以食述異記云漢和帝時大雨龍墮宮中帝命作羹賜群
臣博物志云張華得龍肉鮓言得醢則生五色等說是龍固
有自死者矣當以本經為正
昔有人斲血一斛衆方不止用龍骨末吹入鼻中即斷

茶稍花

孫光憲云海上人言龍每生二卵一為吉弔多與鹿游

或於水邊遺溼值流槎則粘著木枝如蒲蘗狀其色微青黃後似灰色號紫稍花。

紫稍花氣味甘溫無毒主治益陽秘精療真元虛憊陰痿遺精餘溼白濁如脂小便不禁囊下濕癢女人陰寒冷滯入丸散及坐湯用 紫稍花形

本經上品



房術多用

體輕色灰

總微論治陰瘰生瘡紫稍花一两胡椒半兩煎湯溫洗數次愈
石龍子 即蜥蜴也。生平陽川谷及荊州山石間形細而長尾與身類似蛇有四足以五色者為雄。入藥良。昔有人見此物從石

本草原始

蟲部

十一卷二十三

罈中出。飲水數次。石下有水電一二升。行未數里。雨電大作。今人用之祈雨。故得龍子之名。蜥蜴本作析易。許慎云。易字篆文象形。陸佃云。蜴善變易吐電。有陰陽析易之義。周易之名。蓋取乎此。

石龍子氣味鹹寒。有小毒。主治五癰疔結。氣利小便。水道破石淋下血。○消水飲陰。癢疥。竅破血。妊婦忌用。

石龍子
本經中品



市賣乾石龍子形



爪尖長腹有細鱗

脊露骨尾比身長

修治石龍子三四八九月采去腹中物以竹棒揅之裏乾入藥
或酥炙或酒炙惟治傳尸勞瘵天靈蓋丸以石蜥蜴連腸肚
以醋炙四十九遍用之
陸佃云石龍子以朱飼之其體盡赤搗之萬杵以點婦人終身
不滅如赤誌偶則落
之才曰惡硫黃蕪萸斑蝥
外學秘要治小兒陰潰用蜥蜴一枚燒灰為末酒調服之良

生嶺南山谷及城牆或大樹間形如壁虎首如鬚蟻背有鱗甲如蠶子土黃色身短尾長一雄一雌常自呼其名曰蛤蚧人遂因其聲而名之一名僂蟾廼因其形而名之也

蛤蚧氣味鹹平有小毒主治久咳嗽肺勞傳尸殺鬼物邪氣下氣下淋瀝通水道○下石淋通月經治肺氣療欬血○肺痿咯血咳嗽上氣治折傷○補肺氣益精血定喘止咳療肺癰消渴助陽道梅花爪與石龍子大不同

蛤蚧
朱開寶



背有細鱗彷彿沙魚皮

乾蛤蚧形



藥力在尾尾不全不效
醫獸勞損痿弱喘嗽良

雌皮細嘴尖身大尾小
雄皮粗嘴大身小尾粗
雌雄交合捕之用熟稿
草細纏蒸過晒乾入房
術藥甚妙

修治蛤蚧日華曰凡用去頭足洗去鱗鬣肉不淨以酥炙或用

鹽炙

生荊州山谷及田野蛇蛻無時但着不淨即脫或大飽亦

脫五月五日十五日取之良時珍曰蛇字古文象其宛轉盤曲之形。蛇音脫。退脫之義也。又名蛇退蛇殼。俗呼蛇皮。

蛇氣味鹹。其平無毒。火熬之良。主治小兒百二十種驚癇。蛇癩。癩疾。癩癢。弄舌。搥頭。寒熱。腸痔。蠱毒。○大人五疳。言語僻越。止嘔逆。明目。燒之。療諸惡瘡。○喉痺。百鬼魅。○灸用。辟惡。止小兒驚悸。客熱。煎汁。傳癩。傷白癩。風催生。○安胎。○止瘡。○辟惡。去風。殺蟲。燒末。服。治婦人吹奶。大人喉風。退日。緊消。木舌。傳小兒。重舌。重齶。唇緊。解。面瘡。月蝕。天泡。瘡。大人。丁腫。漏。瘡。腫。毒。煮湯洗。諸惡蟲傷。



蛇本經下品

皮色白如銀者良。青黃蒼色者勿用。

權曰蛇蛻有毒畏磁石及酒孕婦忌用

修治以皂角水洗淨纏竹上或酒或醋或蜜浸炙黃用或燒存

性或益泥固煨各隨方法

周密齊東野語云小兒痘後障翳用蛇蛻一條洗焙天花粉五

分爲末以羊肝破開夾藥米泔水煮食效此方治痘後目翳

真奇方也



生南地及蜀郡諸山中今惟以蕪蛇擅名其蛇龍頭虎

口黑質白花脇有二十四箇方勝文項有念珠斑口有四長牙


尾上有一佛指甲長一二分腸形如連珠鼻孔向上九月十月

採捕火乾出蕪地者雖乾枯而眼光不陷背有方勝白花故名

白花蛇

肉氣味甘鹹溫有毒
 主治中風濕痺不仁
 筋脉拘急口面喎斜
 半身不遂骨筋疼痛
 脚弱不能久立暴風
 癢痒大風疥癬心治
 肺風鼻塞浮風癰疹
 身上白癩風癰癢斑
 點○通治諸風破傷
 風小兒風熱急慢驚
 風搖榻癩癰漏痰楊
 梅瘡疽疔倒陷
 修治宗藥白凡用去
 頭尾煑酒浸三日火
 炙去盡皮骨此物甚
 毒不可不防

宋開寶
 白蛇



頭有角峯有口有身有花尾有佛指甲

王氏手集方托痘花蛇散治痘瘡黑陷白花蛇連骨炙勿令焦
三錢大丁香七枚為末每服五分以水和淡酒下神效移時
身上發熱其瘡頓出紅活也

白花蛇君

烏蛇志曰生商洛山。頌曰蘄州黃州山中有之。背有三稜。世稱
劔脊。色黑如漆。頭圓尾稍細長。能穿小錢。一百文。眼有光。至枯
死不陷如活者。稱之重七錢及一兩者為上。十兩至一鎰者次
之。粗大者力彌減也。雄者腹下白帶子一條長一寸。入藥尤佳。
今人多用他蛇。裏黑以亂真者。但眼不光耳。時珍曰。其色烏。其
行委佗。故名烏蛇。俗見尾稍異於他蛇。每呼為烏稍蛇。

烏蛇肉氣味甘平無毒主治諸風頑痺皮膚不仁風癩癰瘡疥

癬○熱毒風皮肌生癩眉鬚脫落癩疥等瘡○功與白花蛇

膏主耳聾綿裹豆許塞之神效

膽主大風癘疾木舌脹

皮主治風毒氣眼生翳唇

卵主大風癘疾與肉同

修治烏蛇去頭及皮鱗帶

子剉斷苦酒浸一宿漉
出柳木炭火炙乾再酥
炙星下已地掘坑埋一
夜再炙用或酒煮乾用

烏蛇形宋開寶



捕者以快刀開去腹中
臟汗竹棒掙起日乾

脊有稜身黑腹白尾尖細服不陷

朝野僉載云商州有人患大風家大惡之山中為起茅屋有

蛇墜酒罌中病人不知飲酒漸差罌底見有蛇骨始知其

戲

術也

燈上見蛇影小蛇一條取血染燈心數條候乾點燈則見

蛇影現于燈上如將二蛇血染燈心每將一條合點則見二

烏蛇君

鯉魚

生九江池澤今處處有之其脇鱗一道從頭至尾無大小

皆三十六鱗每鱗上有小黑點蓋諸魚中此為最佳又能神變

故多貴之今人食品中以為上味崔豹云兗州人呼赤鯉為玄

駒白鯉為白驥黃鯉為黃騏時珍曰鯉鱗有十字文理故名之

曰鯉

肉氣味甘平無毒主治養食

鯉魚本經上品

腦脊肉

治欬逆上氣黃疸止渴治

筋黑血

水腫脚滿下氣○治懷妊

勿食炙

身腫及胎氣不安○糞食

鯉不可

下水氣利小便○作鱠溫

使煙入

補去冷氣痞癖氣塊橫閉

目損日

伏梁結在心腹○治上氣

先天行

欬嗽喘促○燒末能發汗

病後下

定氣喘效嗽下乳汁消腫

痢宿癥

米飲調服治大人小兒暴

及服天

痢用童便浸煨止反胃及

門冬朱

鮓殺蟲入腹勿合犬肉食

砂勿食

悍益志氣○點眼治赤腫翳


痛塗小

明○滴耳治聾○腦髓主治

諸癩癩

王治食之治小兒驚忤諸癩

○腦髓



血主治小兒火瘡丹腫瘡毒塗之立瘥○腸主治小兒肌瘡
目主治刺瘡傷風傷水作腫燒灰傅之汁出即愈○齒治石淋
骨主治女子赤白帶下○陰瘡魚鱗不出
皮主治癰疹○燒灰水服治魚鱗六七日不出者日二服
鱗主治產婦滯血腹痛燒灰酒服亦治血氣○燒灰治吐血崩
中漏下帶下痔瘻魚鱗
筆峯雜興治諸魚鯁鯉鰓鱗三十六焙研凉水服之其刺自跳
出神妙

青魚

生江湖間南方多有北地時或有之取無時似鮠而背正

青色故名青魚亦作鯖古人所謂五侯鯖即此

肉氣味甘平無毒主治脚氣濕痺○同韭白煮食治脚氣脚弱
煩悶益氣力


枕中骨主治水磨服主心腹卒氣痛○治血氣心痛平水氣作
飲器解益毒

青魚鮮氣味與服石人相反
眼睛汁主治注目中能夜視
膽臘月收取陰乾氣味苦寒
無毒主治點暗日塗熱瘡消
赤日腫痛吐喉痺痰涎及魚
鯁療惡瘡
龔氏易簡方用黃連切片井
水熬濃去滓待成膏入大青
魚膽汁和勻入片腦少許瓶
收密封每日點赤日障翳疼
痛甚妙

日華曰凶微毒服木人忌之

鯽魚

所在池澤有之形似小鯉魚色黑而體促肚大而脊隆亦
有大者至重二三斤陸佃埤雅云鯽魚旅行以相即也故名鯽




青魚宋開寶背青魚

魚以相付也一名鮒魚。

肉氣味甘溫無毒主治合五味煑食主虛羸
溫中下氣○止下痢腸痔○合葷作羹主
胃弱不下食調中益五臟合葷作羹主
丹石發熱○生搗塗惡核腫毒不散及癩
瘡同小豆搗塗丹毒燒灰和醬汁塗諸瘡
十年不瘥者以猪脂煎灰服治腸癰○合
小豆煑汁服消水腫灸油塗婦人陰痒諸
瘡殺蟲止痛醃白礬燒研飲服治腸風血
痢醃硫黃煑研醃五倍子煑研酒服並治
下血醃茗葉煑服治消渴醃胡蒜煑研服
治腸氣醃綠礬煑研飲服治反胃醃蓮花
燒研參齒疼醃當歸燒研揩牙烏髮止血
醃砒燒研治急瘡醃白磁罌研搗骨疽
醃附子炙焦同油塗頭白禿瘡

鮒魚別錄上品



脊黑腹有米色

鱸主治久痢赤白腸澼痔疾大人小兒丹毒風眩○治脚氣及

上氣○益脾胃去寒結氣

鮓主治疔瘡批片貼之或同桃葉搗傳殺蟲

頭主治小兒頭瘡口瘡塗舌日醫○燒研飲服療欬嗽○燒研

飲服治下痢酒服治脫肛及女人陰脫仍以油調搽之

子主治調中益肝氣○忌猪肝

骨主治覆瘡燒灰傅數次即愈○腦主治耳聾以竹筒蒸過滴

之

膽主治取汁塗疥瘡陰蝕瘡殺蟲止痛點喉中治骨鯁竹刺不

出

鱗主治食魚中毒煩亂或成癥積燒灰水服二錢○諸魚鱗燒

灰主魚骨鯁

震亨曰諸魚屬火獨鯽魚屬土有調胃實腸之功若多食亦能

動火

鼎曰和蒜食少熱同沙糖食生痺蟲同芥食成腫疾同猪肝雞

雉鹿猴肉食生癰疽同麥門冬食害人

便民良療方治酒積下血酒煮鱒魚常食最效

烏賊魚

生東海池澤取無時形若葦囊口在腹下八足聚生口


旁只一骨厚三四分似小舟輕虛而白又有兩鬚如帶可以自
纜故別名纜魚弘景曰是鷄鳥所化今其口腹具存猶頗相似
故一名烏劍能吸波噀墨令水濶黑自衛以防人害又南越志
云其性嗜鳥每暴水上有飛鳥過謂其已死便啄其腹則卷取
而食之因名烏賊言爲鳥之賊害也

海蝶蛸

烏賊魚骨也名蝶蛸象形也

肉氣味酸平無毒主治益氣強志○益人通月經

海標蛸氣味鹹微溫無毒主治女子赤白
漏下經汁血閉陰蝕腫痛寒熱癥瘕無
子○驚氣入腹腹痛環臍丈夫陰中腫
痛令人有子又止瘡多膿汁不燥○療
血崩殺蟲○灸研飲服治婦人血癥大
人小兒下痢殺小蟲○治眼中熱淚及
一切浮翳研末和蜜點之久服之益精
亦治牛馬障翳○主女子血枯病傷肝
唾血下血治瘡消癭研末傅小兒疥癩
痘瘡臭爛丈夫陰瘡湯火傷跌傷出血
燒存性酒服治婦人水戶嫁痛同雞子
黃塗小兒重舌驚口同蒲黃末傅古腫
血出如泉同槐花末吹鼻止血血同銀
朱吹鼻治喉痺同白礬末吹鼻治蝮螫
疥癩同麝香吹耳治聾耳有膿水及耳
聾



烏賊魚俗呼八
帶魚本經中品

修治海螺蛸弘景曰灸黃用

之才曰惡白及白欬附子能淡鹽伏礪縮銀○厥陰血分藥也

鰕時珍曰江湖出者大而色白溪池出者小而色青皆磔鬚錢

鼻背有銜節尾有硬鱗多足而好躍其腸屬腦其子在腹外劉
恂嶺表錄云海鰕皮殼嫩紅色前足有鉗者色如朱最大者長
七八尺至一丈也閩中有五色鰕亦長尺餘彼人兩兩乾之謂
之對鰕以充上饌鰕音霞入湯則紅色如霞也俗作蝦蒸熟去
殼者俗呼蝦米。

鰕氣味甘溫有小毒主治五野雞病小兒赤白遊腫搗碎傅之
○作羹治蠶癩托痘瘡下乳汁法製壯陽黃汁吐風痰搗膏

傳蟲疽

海鱈氣味甘温平有小毒鮮主治

飛尸蚊蠱口中其醫滿齒頰

去疥癬風癢身痒治山蚊千入

人肉初食瘡發則愈

藏器曰以熱飯盛密器中作鮓食

毒人至死

弘景曰無鬚及腋下通黑并莫之

色白者並不可食小兒及雞狗

食之脚屈弱

非曰動風發瘡疥冷積


源曰動風熱有病入勿食

海馬

藏器曰出南海鰕類也宗奭曰其首如馬其身如鰕其背

僵僕有竹節紋長二三寸聖濟總錄云雌者黃色雄者青色形

多足而善跳



海馬類下品

狀如馬故名。似海馬而小者。名海蛆。又名海蠍子。亦呼小海馬。

海馬氣味其温

無毒主治婦

人難產帶之

於身甚驗臨

時炆末飲服

并手握之即

易產○主產

難反血氣痛


暖水臟吐陽

道消癥塊治

疔瘡腫毒

今房術多用

生東海海羸之屬。頭有角如牛。故名海牛。




大海馬拾遺




小海馬新譜氣味主治欬今人作神臟腑及作鎮物用

海牛
氣味鹹
溫無毒
主治益
腎固精
與陽



角硬尖銳
有紋身蒼
色有龜背
紋腹黃白
色有筋頂
花點魚尾




今房術中多用

海牛 生南海池澤及湖水中。今江湖間多有之。蛇頭龍頸。外骨內肉。腸屬于首。能運任脉。廣肩大腹。卵生。思抱其息以耳。雌雄尾交。亦與蛇匹。甲蟲三百六十而神龜為之長。許慎說文云：龜頭與蛇同。故字上從它。其下象甲足尾之形。它古蛇字也。

龜甲氣味甘平有毒。主治漏下赤白。破癥瘕。痰癰。五痔。陰蝕。濕痺。四肢重弱。小兒。癩。不合。久服。輕身。不飢。○驚。恚。氣。心。腹。痛。不可。久立。骨中。寒熱。傷寒。勞。役。或。肌。體。寒。熱。欲。死。以。作。湯。良。久。服。益。氣。資。智。使。人。能。食。燒。灰。治。小。兒。頭。瘡。難。燥。女。子。陰。瘡。○敷。主。久。嗽。斷。癢。○殺。灸。末。酒。服。○敷。主。久。疔。○版。治。血。麻。痺。○燒。灰。治。脫。肛。○下。甲。補。陰。主。陰。血。不。足。去。瘀。血。止。血。痢。續。筋。骨。治。勞。倦。四。肢。無。力。○治。腰。脚。酸。痛。補。心。腎。益。大。腸。止。久。痢。久。洩。主。難。產。消。癰。腫。燒。灰。傳。賺。瘡。○大。有。補。陰。之。功。

本經上品



水龜形圖



龜版形圖

古人上下甲皆用之。今人惟用底版入藥。

修治龜甲鋸去四邊石上磨淨灰火炮過塗酥炙黃用亦有酒

炙醋炙宿脂炙燒灰用者

龜溺滴耳中治聾和銀朱雋字入木極深術士嘗用此書神仙
于漆卓或漆門上惑人溺最難得採時置雄龜于磁盤中以
鏡照之龜見影往淫發而止溺急以物收之今人惟以猪
鬃或松葉刺其鼻即溺出更簡捷也其龜頭骨帶入水身骨
帶入山並令不迷

時珍曰按陶氏用生龜炙用日華用灼多者皆以其有生性神

靈也曰敗者謂鑽灼陳久如敗也吳氏不達此理而反用自
死枯敗之版復謂灼者失性謬矣縱有風墜自死者亦山龜

耳淺學立異誤世鄙人據以為談故正之

在水曰神龜在山曰靈龜入藥宜用水中神龜

鼈

甲蟲也水居陸生穹脊連脇與龜同類四緣有肉裙裹甲無


耳以目為聽純雌無雄以蛇及鼈為匹卵生思抱時珍曰鼈行

鱉 故謂之鱉。俗呼團魚。

鱉甲氣味鹹平無毒。主治心腹癥瘕。堅積寒熱。去痞疾。息肉陰。蝕痔核惡肉。○療溫瘧血癢。腰痛。小兒脇下堅宿食。癥塊。疥癬。冷瘕。勞瘦。除骨熱。骨節間勞熱。結實壅塞。下氣。婦人漏下。五色。下瘀血。去血氣。墮胎。消瘡。腫腸。癰。疔。撲損。瘀血。○補氣。○除老癩。癰母。陰毒。癰。疔。復食。復斑。豆。煩。喘。小兒驚癇。婦人經脈不通。難產。產後陰脫。丈夫陰瘡。石淋。缺。瘻。癰。

鱉本經中品

九肋鱉甲圖



今人呼九瘻

鱉頭項類蛇



食肉忌菓

修治鼈甲頌曰處處有之以在州沅江所出甲有九肋者為勝

入藥以醋炙黃用

之才曰鼈甲惡礬石理石時珍曰厥陰肝經血分之藥

李樓怪症奇方治發背癰疽一切瘡不斂口鼈曰燒存性研末

搽之甚妙

肉氣味甘平無毒主治傷中益氣補不足○熱氣濕痺腰中酸

熱五味煮食當微泄○婦人漏下五色羸瘦宜常食之○婦

人帶下血痕腰痛○去血熱補虛久食性冷○補陰○作腫

食治久痢長髭鬚作丸服治虛勞痰癖脚氣

弘景曰不可台雞子食莧菜食昔有人劉鼈以赤莧同包置

濕地經旬皆成鼈又有裹鼈甲屑經五月皆成鼈者

脂主治除日按白髮取脂塗孔中即不生欲再生白乳汁塗

頭主治燒灰瘡小兒諸疾婦人產後陰脫下墜尸疰心腹痛

傳歷年脫肛不愈○爪主治五月五日收藏衣領中令人不

忘
肘後方治中風口喎鼈血調烏頭末塗之待正則即揭去

蠃生伊洛池澤諸水中。今淮海京東河北陂澤中多有之。八九月出食稻芒。八跪二螯。利鉗尖爪。外骨內肉。殼堅而脆。有十二星點團臍者。牝尖者牡也。漁人捕取霜後益佳。足節屈曲行則旁橫。故今里語謂之螃蠏。性走明。漆見之而解。名之爲蠃。似出乎此。宗奭曰。此物每至夏末秋初。則如蟬蛻解。當日名蠃之意。必取此義。

蠃氣味鹹寒。有小毒。主治胸中和氣。熱結痛。疔僻。面腫。能敗漆。燒之致鼠。解結散血。愈漆燒。養筋益氣。散諸熱。治胃氣。理經。味消食。以醋食之。利臍。節去五臟中煩悶。氣益人。產後肚疼。血不下者。以酒食之。新骨折傷者。生搗沙罽之。能

續斷絕筋骨去殼同黃櫨爛搗妙納入瘡中藥即退也○小
 兒解顛不合以蟹同白及末搗塗以合為度○殺菘菁毒解
 蠶毒漆毒治瘡及黃酒搗膏塗疥瘡癬瘡搗汁滴耳聾

蟹本經中品
 未被霜獨整
 獨目六足四
 足腹中有骨
 頭有星點足
 斑目亦有毒
 害人並勿食



時珍曰
 不可同
 柿及荆
 芥復發
 霍亂動
 風木官
 汁可解

修治凡蟹生烹鹽藏糟收酒浸醬汁浸皆為佳品但久留易沙
 見燈亦沙得椒易臍得皂莢或蒜及韶粉可免沙臍得白芷
 則黃不散得葱及五味子同煮則色不變
 殺燒存性蜜調塗凍瘡酒服治婦人兒枕痛及血崩腹痛消積

牡蠣

生東海池澤。今海傍皆有之。而南海閩中及通泰間尤多。

以大者爲好。其生著石。皆以口在上舉。以腹向南視之。口斜向東。則是左顧。左顧者牡也。入藥用牡而大者。故名牡蠣。雄曰牡。

粗大白蠣。

牡蠣氣味鹹平微寒無毒。主治傷寒寒熱溫瘧。酒酒驚恚怒氣。除拘緩鼠癩。女子帶下赤白。久服強骨節。殺邪鬼。延年。除熱。在關節營衛。虛熱去來不定。煩滿心痛。氣結止汗。止渴除老血。療洩精。澀大小腸。止大小便。治喉痺。欬心。喘下痞。熱粉身止。大人小兒盜汗。同麻黃根。蛇床子。乾薑。烏粉。去陰汗。治女子崩中。止痛除風熱。風癩。鬼交。精出。男子虛勞。補腎安神。去煩熱。小兒驚癇。去腸下。堅滿。瘰癧。一切瘡。○北痰。更堅。清熱除濕。止心脾氣痛。痢下赤白。濁消。疝。夜積。

塊瘦疾結核

左顧牡蠣形

本經上品

修治宗奠曰凡用

須泥固為粉亦

用生者

饗曰凡真牡蠣

二十个以東流

水入盥一兩煮

一伏時再入火

中煨赤研粉用


之才曰貝母為之使得甘草牛膝遠志蛇床子良惡麻黃辛夷

吳茱萸伏礪砂

牡蠣君



出南海。今出廉州海島大池。謂之珠池。每歲刺史親監珠



戶入池採老蚌剖取珠以充貢。圓大光瑩者優。欲穿孔眼非金剛鑽不能也。入藥須用新完未經鑽綴者為佳。南方志名蚌珠。俗呼珍珠。

真珠氣味鹹甘寒無毒。主治鎮心明目去翳障膜塗面令人潤澤好顏色塗手足去皮膚逆腫綿裹塞耳。主聾。○磨腎墜痰除面黚。止洩。合知母療煩熱消渴。合左纏根治小兒髮痘瘡。入口。○除小兒驚熱。○安魂。魄止遺精白濁解瘡疔毒。主難產下死胎胞衣。

蚌珠形

宋開寶



龍珠在頤蛇珠在口
魚珠在目鮫珠在皮
鼈珠在足蚌珠在腹

修治真珠以新完未經鑽綴者研如粉方堪服食不細則傷人
 臟腑時珍曰入藥不用首飾及見尸氣者以人乳汁浸三日
 日蒸過搗細重篩更研萬遍用一云以絹袋盛入豆腐腹中
 煮一炷香云不傷珠也 入厥陰肝經



今嶺南州郡及萊州海邊皆有之采無時形長如小蚌
 而扁外皮甚粗內則光耀背側一行有孔如鑽成者附石而生
 功能明目故稱石決明

壳氣味鹹平無毒主治
 目障翳癢青盲久服
 益精輕身明目磨障
 肝肺風熱青盲內障
 骨蒸勞極水飛點外
 障醫通五淋



九孔決明圖



七孔決明圖

修治珣曰石決明以麩裏煨熱磨去粗皮爛搗再乳細如粉方
堪入藥時珍曰以鹽同東流水煮一伏時研末水飛用


蛤蜊

生東海似蚌而小白腹紫唇兩片相合而生故曰蛤食之

有利于人故曰蜊

肉氣味鹹冷無毒主治潤五臟止消渴開胃治老癖為寒熱婦
人血塊宜煮食之○煮食醒酒

蛤蜊宋嘉祐
藏器曰肉性
雖冷乃與丹
石人相反食
之令腹結痛



修治蛤粉以蛤蜊
燒煨成粉一方焙
蜊壳火煨成以熟
粘樓連于同搗和
成團風乾用最妙

蛤蜊粉俗呼蛤粉氣味鹹寒無毒主治熱痰濕痰老痰頑痰疝

本草原始

魚部

卷三九

氣白濁帶下同香附末薑汁調服治心痛○清熱利濕化痰
飲定喘嗽止嘔逆消浮腫利小便止遺精白濁心脾疼痛化
積塊解結氣消癭核散腫毒治婦人血病油調塗湯火傷

瓦屋子

生東海今出萊州狀如小蛤而圓厚別錄名魁蛤味甘

故一名蚌俗呼蚌子其壳有縱橫文理似瓦屋之壘故名瓦壘
子。續表錄名瓦屋子。

肉氣味甘平無毒主治痿痺洩痢便膿血○潤五臟止消渴利
關節服丹石人宜食之免生瘡腫熱毒○心腹冷氣腰脊冷
風利五臟建胃令人能食○温中消食起陽○益血色○冬
食益人

壳氣味甘鹹平無毒主治燒過醋淬醋丸服治一切血氣冷氣
癥癖○消血塊化痰積○連肉燒存性研傅小兒走馬牙疳
有效

瓦壘子形
別錄上品



色白
有壘

修治瓦壘子取陳久者炭火煨紅米醋淬三度出火毒研粉用
貝子生東海池澤亦出南海乃小白貝也大如指頂背隆如龜
背腹下兩關相向有齒刻如魚齒其中肉如蝌蚪而有首尾其
貝上古珍之。以爲寶貨。故賄賂貢賦。凡屬于貨者。字從貝。意有
在矣。至今雲南猶作錢用。蓋亦不遠古也。時珍曰。貝字象形。其
中二點象其齒刻。其下二點象其垂尾。俗作海肥。

貝子氣味鹹平有毒主治目昏五瀝利水道鬼疰蟲毒腹痛下血○溫祛寒熱解肌散結熱○燒研點目去翳○傷寒狂熱○下水氣浮腫小兒痺蝕吐乳○治鼻淵出膿血下痢男子陰瘡解漏脯麩臙諸毒射罔毒藥箭毒

本經下品



背上一圈黃色

修治燒過用或蜜醋相對浸之蒸過取出以清酒淘研
簡便單方治陰下疥瘡用貝子三枚火煨紅研成細塵搽之良

海蝶

出東海形扁大二三寸色青腹白似海蝶蛸有紋五角不

知頭尾口在腹下陰兩則飛生時體煖死則乾脆其形彷彿燕
子故名

海燕氣味

鹹溫無

毒治陰

雨發損

痛焚汁

服取汗

即解人

滋陽藥

中用之

海燕形



海盤車形



有五角

功同海燕

海熱海盤車海膽俱生海中鹹能更堅功亦不甚相遠

文蛤

生東海大者圓三寸小者圓五六分一頭大一頭小背上

有花斑文者文蛤也

海蛤

小者如細麻大者若棊子海蛤也時

珍曰海蛤海中諸蛤爛殼之總稱不專指一蛤也

海石

蛤殼在

本草原治

魚部一

土卷四一

海膽治心
疼燒研酒
服一枚
海膽形



本草卷之十一

海中久被風濤打磨礪礪。庶稜消盡。無復形質。光瑩。礪塊雜于

泥沙有似碎石者。海石也。海粉。海石煨治為麩者。海粉也。

大蛤氣味鹹平無毒。主治惡瘡。蝕五痔。效逆。胸痺。腰痛。脇急。鼠癩。大孔。出血。女人崩中。漏下。能止煩渴。利小便。化痰。軟。聖治口鼻。痺蝕。海蛤氣味苦鹹平無毒。主治效逆。上氣。喘。息。煩。滿。胸。痛。寒。熱。療。陰。痿。主。十二。水。滿。急。痛。利。膀胱。大。小。腸。治。項。下。瘤。瘰。清。熱。利。濕。化。痰。消。積。療。五。痔。止。血。痢。海。石。海粉功同海蛤。治頑痰。更捷。

大蛤之形



海蛤之形



海石之形



腹有爛蛤

本草原始卷之十二

雍丘正字李中立纂輯並書

人部

髮

李時珍曰。髮髮。乃翦髦下髮也。亂髮。乃梳櫛下髮也。按許

慎說文云。大人曰髡。小兒曰髦。顧野王玉篇云。髮髣也。髣髮也。也。二說甚明。古者刑人髣髮。婦人以之被髻。故謂之髮髮。周禮云。王后大人之服。有以髮髦爲首飾者。是矣。又詩云。鬢髮如雲。不屑髦也。甄權曰。髮髮。雷斅所謂二十男子頂心翦下髮者得

之矣。毛萇詩傳云：被之僮僮，被首飾也。編髮爲之，即此髮也。釋名曰：髮，拔也。拔擢而出也。髮，被也。髮少者，得以被助其髮也。

髮，氣味苦溫，無毒。主治五癰、關格、不通、利小便、水道、療小兒驚大人、瘞，仍自還神化。○合難子黃煎之，消烏水療小兒驚熱百病。○止血、悶血、運金瘡、傷風血痢，入藥燒存性，用煎膏長肉消瘀血。

亂髮一名血餘，一名人退，氣味苦微溫，無毒。主治欬嗽、五淋、大小便不通、小兒驚癇、止血、鼻衄、燒灰吹之，立已。○燒灰療轉胞、小便不通、赤白痢、噎噎、癰腫、狐尿、刺尸、疰疔、腫骨疽、并雜瘡。○消瘀血、補陰、甚捷。

修治：鬣曰髮，髮是男子年二十已來無疾，患顏貌紅白于頂心，翦下者入丸藥膏中，用先以苦參水浸一宿，漉出入瓶，子以火煨赤，放冷，研用。今人以皂角水洗淨，入確煨存性，用亦良。韓保昇曰：本經云：自還神化。李當之云：神化之事，未見別方。按

異苑云人髮變爲鱗魚神化之異應此者也又陳藏器曰生人髮掛果樹上烏鳥不敢來食其實又人逃走取其髮于緝車上却轉之則迷亂不知所適此皆神化李時珍曰髮者血之餘埋之土中千年不朽煎之至枯復有液出誤食入腹變爲癥虫煨治服餌令髮不白此正神化之驗也



時珍曰瓜甲者筋之餘。膽之外候也。靈樞經云。膽應瓜。瓜

厚色黃者膽厚。瓜薄色紅者膽薄。瓜堅色青者膽急。瓜栗色赤者膽緩。瓜直色白者膽直。瓜惡色黑者膽結。又一名筋退。

瓜甲氣味甘鹹。無毒。主治鼻衄。細刮。啗之。立愈。衆人甲亦可。惟生下胞衣利小便。治尿血及陰陽易病。破傷中風。去日翳。

懷孕婦人瓜甲取末。點日去翳障。治破傷風。手足十指甲香油炒。研熱酒調。呷服之。汗出便好。



李時珍曰。兩旁曰牙。當中曰齒。腎主骨。齒者骨之餘也。女

子七月齒生。七歲齒齠。三七腎氣平而真牙生。七七腎氣衰。齒
稿髮素。男子八月齒生。八歲齒齠。三八腎氣平而真牙生。五八
腎氣衰。齒稿髮墮。錢乙云。小兒變蒸。蛇齒如花之易苗。不及三
十六齒。由蒸之不及其數也。

牙齒氣味。甘鹹熱。有毒。主治除勞治瘡。蠱毒氣入藥燒用。○治

乳癰未潰。疔瘡倒靨。
佛牙散治五般聾耳。出膿血水。人牙燒存性。麝香少許。爲末。吹

之。
錢氏小兒方。治痘瘡倒靨。人牙燒存性。入麝香少許。溫酒調服。

半錢

乳汁 李時珍曰。乳者。化之信。故字從孚。化省文也。方家隱其名。謂之仙人酒。生人血。白朱砂。種種名色。蓋乳乃陰血所化。生于脾胃。揖于衝任。未受孕。則下為月水。既受孕。則留而養胎。已產。則赤變為白。上為乳汁。此造化玄微自然之妙也。凡入藥。並取首生男兒無病婦人之乳。白而稠者佳。若色黃赤清而腥穢。如涎者。並不可用。有孕之乳。謂之忌奶。小兒飲之。吐瀉成疳。鬼之病。最為有毒也。

乳汁氣味甘鹹平無毒。主治補五臟。令人肥白。悅澤。療目赤痛。多淚。解獨肝牛肉毒。合濃豉汁服之神效。○和雀屎去目中

弩肉○為氣治瘦悴悅皮膚潤毛髮點眼止淚

弘景曰漢張蒼年老無齒妻妾百數常服人乳故年百餘歲身

肥如瓠

服乳歌仙家酒仙家酒兩箇壺盧盛一斗五行釀出真醍醐不

離人間處有丹田若是乾涸時燕下重樓潤枯朽清晨能

飲一升餘返老還童天地久

摘玄方治人臆脛生瘡用人乳汁桐油等分和勻以鷲翎掃塗

神效

戲術白緋火灸見紅字用妳汁寫字放緋上俟乾火上灸之自

見紅字

耳塞

修真指南曰腎氣從脾右畔上入于耳化為耳塞耳者腎

之竅也腎氣通則無塞塞則氣不通故謂之塞又一名耳垢一

名腦膏一名泥丸脂

耳塞氣味鹹苦温有毒主治顛狂鬼神及嗜酒○蛇蟲蜈蚣螫

者塗之良

毒域方治蛇蟲蜈蚣螫傷者人耳垢蚯蚓屎和塗出盡黃水立愈



李時珍曰。人舌下有四竅。兩竅通心氣。而竅通腎液。心

氣流入舌下為神水。腎液流入舌下為靈液。道家謂之金漿玉醴。溢為醴泉。聚為華池。散為津液。降為甘露。所以灌溉臟腑。潤澤肢體。故脩養家。嚥津納氣。謂之清水灌靈根。人能終日不唾。則精氣常留。顏色不槁。若久唾。則損精氣。成肺病。皮膚枯涸。故曰。遠唾不如近唾。近唾不如不唾。人有病。則心腎不交。腎水不

上故津液乾而真氣耗也。秦越人難經云：腎主五液，入肝爲淚，入肺爲涕，入脾爲涎，入心爲汗，自入爲唾也。俗呼吐沫。

津唾氣味甘鹹平無毒。主治瘡腫疥癬鼓劫。五更未語者，頻塗擦之，又明日退翳消腫解毒辟邪粉水銀。

范東陽方云：凡人魔死不得叫呼，但痛咬脚跟及拇指甲際，多唾其面，徐徐喚之，自省也。

頭垢 乃梳上宿垢一名百齒霜

頭垢氣味鹹苦溫有毒。主治淋閉不通。○療瘡疾酸漿煎膏甲之立愈。又治勞復。○中蠱毒草毒米飲或酒化下，並取吐爲度。

類要方治天行勞復，用頭垢棗核大一枚含之良。小品方治中野菜諸脯肉馬肝馬肉毒，以頭垢棗核大含之，嚙汁能起死人，或白湯下亦可。

人糞

一名人糞。時珍曰。屎糞。糞糟粕所化。故字從米。會意也。

人屎氣味苦寒。無毒。主治時行大熱。狂走解諸毒。搗末沸湯沃服之。○傷寒熱毒水漬飲之。彌善。新者封丁腫。一日根爛。○骨蒸勞復。癰腫發背。瘡漏痘瘡不起。

人中黃震亨曰。以竹筒入甘草末于內。竹木塞兩頭。冬月浸糞

缸中。立春取出。懸風處陰乾。破竹取草晒乾用。○熱毒濕毒大解。五

臟實熱。飯和作丸。清痰消食。積降陰火。

小兒胎屎。主治惡瘡。食癭。肉除。面印字。一月即瘥。

人尿 時珍曰。尿從尸從水。會意也。方家謂之輪迴酒。還元湯。隱

語也。素問名澁。俗呼小便。

人尿氣味鹹寒。無毒。主治寒熱頭痛。溫氣。童男者尤良。○主久嗽。上氣失聲。及癥積滿腹。○明日益聲。潤肌膚。利大腸。推陳

致新去欬嗽肺痿鬼氣瘧病停久者服之佳恐冷則和熱湯
服○上勞渴潤心肺療血閉熱狂撲損瘀血在內遲絕止吐
血鼻衄皮膚皴裂難產胎衣不下蛇犬咬○滋降降火甚速

○殺虫解毒療瘡中喝

震亨曰小便降火甚速常見一老婦年逾八十貌似四十詢
其故常有惡病人教服人尿四十餘年矣且老健無他病而
何謂之性寒不宜多服耶九陰虛火動熱蒸如燎服藥無益

者非小便不能除

按褚澄遺書云人喉有竅則欬血殺人喉不停物毫髮必欬
血即滲入愈滲愈欬愈欬愈滲惟飲皮溺則百不一死若服
寒涼則百不一生又吳球云諸虛吐血衄咯血瀆用童子小便

其效甚速

人中白時珍曰滓淀為塗以風日久乾者為良此乃人溺澄下

白塗也故唐本草名溺白塗

人中白氣味鹹平無毒主治鼻衄湯火灼瘡○燒研主惡瘡○
治傳尸熱勞肺癆心膈熱羸瘦渴疾○降火消瘀血治咽喉

口瘡生瘡疔屢諸竅出血肌膚汗血

秋石嘉謨曰秋石須秋月取童子溺每缸入石膏末七錢桑條

攪澄定傾出清液如此二三次乃入秋露水一桶攪澄如此

數次淨穢滌淨鹹味咸除以重帛鋪地上晒乾完全取起輕

清在上者為秋石重濁在下者刮去古人立名實本此義男

用童女溺女用童男溺亦一陰一陽之道也世醫不取秋時

雜收人溺但以皂莢水澄晒為煉煉煨為陽煉盡失于道何

合于名媒利敗人安能應病况經火煉性却變溫耶

秋石氣味鹹溫無毒主治虛勞冷疾小便遺數漏精白濁○滋

腎水養母回返本還元歸根復命安五臟潤三焦消痰欬退

骨蒸軟堅塊明目清心延年益壽

治噎食反胃秋石用一錢白湯下妙

入精時珍曰營氣之粹化而為精聚于命門命門者精血之府

也男子二八而精滿一升六合養而充之可得三升損而喪之

本草原女
不及一升。謂精為峻者。精非血不化也。謂精為寶者。精非氣不養也。故血盛則精長。氣聚則精盈。邪術蠱惑。愚人取童女交垢。飲女精液。或以已精。和其天癸。吞燕服食。呼為鉛汞。以為秘方。放恣貪淫。其食穢滓。促其天年。愚之甚矣。按鮑景翔云。神為氣主。神動則氣隨。氣為水母。氣聚則水生。故人之身。貪心動。則津生。哀心動。則淚生。愧心動。則汗生。慾心動。則精生。

人精氣味甘溫。主治和鷹屎。滅癩。○塗金瘡。血出湯火瘡。湯火傷灼。用人精。鷹屎。白日日塗之。

鬚髮

時珍曰。鬚上曰鬚。頤下曰鬚。

鬚髮主治燒研傅惡瘡

唐李勣病醫云得鬚灰服之方止太宗聞之遂自剪鬚燒灰賜

服復令傅癰立愈故白樂天詩云剪鬚燒藥賜功臣

天靈蓋藏器曰此是天生蓋押一身之骨顛門未合即未有也

志曰此乃死人頂骨十字解者方家婉其名耳俗呼腦蓋骨

天靈蓋氣味鹹平無毒主治傳尸尸疰鬼氣伏連久瘡勞瘡寒

熱無時者燒令黑研細白飲和服亦合丸散用○治肺痿乏

力羸瘦骨蒸盜汗酥炙用○退心經蘊寒之氣

婦人月水時珍曰婦人陰類也以血為主其血上應太陰下應

海潮月有盈虧潮有朝夕月事一月一行與之相符故謂之月

水月信月經經者常也有常軌也素問名天癸謂天一生水也

邪術家謂之紅鉛。謬名也。

婦人月水氣味鹹平無毒主治解毒箭并女勞復

月經衣主治金瘡血湧出灸熱熨之又主虎狼傷及箭鏃入腹
悖物志方令婦不妬取婦人月水布裹蝦蟇于廁前一尺入地
五寸埋之

集驗方治刺馬刺傷以婦人月水塗之效

女人之經一月一行其常也或先或後或通或塞其病也復有
變常而古人并未言及者不可不知有行期只吐血衄血或
眼耳出血者是謂逆行有三月一行者是謂居經俗名按季
有一年一行是謂避年有一生不行而受胎者是謂暗經有
受胎之後月行經而產子者是謂盛胎俗名垢胎有受胎
數月血忽大下而胎不墮者是謂漏胎此雖以氣血有餘不
足而言則亦異于常矣女子二七天癸至七七天絕其常
也有女年十二十三而產子如指記室所載平江蘇達卿女
十二受孕者有婦年五十六而產子如遼史所載巫普妻

六十餘生二男一女此人異常之尤者也學醫者於此類亦宜留心焉

包人如衣故一名胞衣一名胎衣一名混沌衣一名混元

母一名佛袈裟一名仙人衣俗呼紫河車

人胞氣味甘鹹溫無毒主治血氣羸瘦婦人勞損面黧皮黑瘦
內諸病漸瘦者治淨以五味和之如飽餒法與食之勿令婦
知○治男女一切虛損勞極癩癩失志恍惚安心養血益氣
補精

時珍曰人胞雖載于陳氏本草昔人用者甚少近因朱丹溪言
其功遂為時用而括蒼吳球始造大造丸一方尤為世行其
方藥味平補雖無人胞亦可服餌按隋書云琉球國婦人產
乳必食子衣張師正倦游錄云八桂獠人產男以五味煎調
胞衣會親啖之此則諸獸生子自食其衣之意非人類也崔
行功小兒方云凡胎衣宜藏于天德月德吉方深埋紫藥令

兒長壽若為猶徇食令兒顛狂虫蠓食令兒瘡癩烏鵲食令
兒惡死棄于火中令兒瘡爛近于社廟污水井竈街巷皆有
所禁按此亦銅山西崩洛鍾東應亦自然之理也今復以之
蒸麥炮炙和藥搗餌雖曰以人補人取其同類然以人食人
獨不犯崔氏之禁乎其異于玩球獠人者幾希

陰毛

男子陰毛主治蛇咬以口含二十條嚥汁令毒不入腹○橫生
逆產用夫陰毛二七莖燒研豬膏和丸大豆大吞之
婦人陰毛主五淋及陰陽易病○牛脰欲死婦人陰毛草果與
食之即愈

本草原始卷之十二終